



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXIX. Kurfürst Johann bestätigt die Stadt Straußberg, am 27. August 1486.

Nutzungsbedingungen

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

rechtigkeit vnd czugehorungen gnediglich czuuerreygen geruchten; haben wir angefehen solch ir vleissig bete vnd der Stadt bests, auch vleissig willige dinst, die sie der herschafft czu Brandenburg bizher getan vnd hinfurder mehr auch wol ton konnen vnd sollen, vnd haben iren nachkomen vnser Stadt Struczberg solch virtenteil der wusten feltmarck czu kenstorff vorberurt vereignet vnd vereigen In das In vnd mit craft dits briues, Also das sie das als ander ir eigentum fur eygen Inhaben, gebrauchen vnd besitzen vnd damit thun vnd lassen sollen vnd mogen, als eygenthumbs recht vnd gewonheit ist, doch vnns, vnseren erben vnd nachkomen vnd sunst einem ydermann an feinen rechten on schaden. Czu vrkunt etc. Datum Coln an der Sprew, am Sontag Letare, anno etc. LXXXViten.

Nach dem Churm. Lehnscopialbuche XXV, 265.

LXIX. Kurfürst Johann bestätigt die Stadt Straußberg, am 27. August 1486.

Wir Johannis, von gotts gnaden Marggraue zu Brandenburg —, Bekennen —, das wir vnsern Burgern zw Struczberg, die nue sein vnd zukomende werden, vnsern lieben getrewen, beuestet vnd bestetigt haben, Beuesten vnd Bestettigen In mit dissem briue alle ire freiheit vnd alle ire gerechtikeite vnd alle gewonheite, vnd Wollen vnd Sollen sie lasszen vnd behalden by allen rechten, by eren vnd gnaden, dar sie In vergangen zeiten bey sein gewesen, vnd wollen wir vnd Sollen In halden alle ire briue, die sie haben zu fursten vnd furstynnen, vnd wollen vnd Sollen sie sunder allerley hindernus lasszen vnd behalden mit Aller gnaden, mit aller freiheit vnd gerechtikaite, bey allen iren lehen, Erben, eygen vnd pfandungen, als sie das vor haben gehabt vnd besessen. Auch Sollen vnd wollen wir Rüttern, Knapen, geburen vnd allen lewten gemeinlich beide geistlichen vnd werntlichen, halden ire briue vnd wollen vnd sollen sie bey allen rechten, freiheiten vnd gnaden lasszen. Mit vrkunth disses briues verfigelt mit vnserm anhangenden Insigel, Geben zu Coln An der Sprew, Am Sontag nach Bartolomei, Nach Cristi gepurt virzehnhundert vnd darnach Im Sechsvndachtzigsten Jare.

Nach dem Original im Stadtarchive zu Straußberg.

LXX. Lorenz, Simon und Henning Schönebeck verkaufen der Stadt Straußberg sechseinhalb Achttheile der wüsten Feldmarken Groß- und Klein-Kensdorf, am 27. März 1487.

Wy hirnageschrewen laurentz, Simon vnd hennigk, gebrudere, die Schonembeken gnant, Bekennen vor vnns, vnse eruen vnd sulz vor allermenniglich, die defsenn vnnsen briff sien oder horen lesenn, dat wy mit frien willenn vnd wolbedachten mude, recht vnd Redelich, to einen ewigen erskope vorkostt hebben vnd vorkopen in vnd mit craft desses briues den Erfamen Borgermeistern vnd Ratmannen, werck vnd gemeynen, die nw sint vnd ewiglich werdenn mogen, der Stat Strutzeberg die wusten veltmarckenn, met nhamen den groten kenstorp vnd den